



祭酒琴溪陳先生集卷之七

明祭酒陳寰撰

曾孫繩武重輯

玄孫玉陞校梓

詩

五言律

送張中丞雲之遼東

四月秦淮上離筵無限情
相看江水碧遙望塞雲平
怙寵嗟夷落憂時念食兵
得公何慮此遼海一長城

送張少叅過家省母

江轉東西路山連吳越程子逢歸棹
便母正倚門迎莫歎斑衣闊
還看綵帔明遙知祝壽處鄉國總
歡榮

送蔣封君歸儀真

寂寞喜相見胡爲一夕行離筵
催柳色晴日動江程已識松楸處
何嗟歲月更遙遙隔浦望烟樹總
含情

清河

往來真可歎此地又清河日落黃
搖岬風生綠捲波閒情隨處在
別恨與時多遠愧隆中客無才奈
爾何

與同年俞貞明夜話

與子話溪頭溪虛雲欲流情長燒
燭短坐密放杯稠濯足洞庭水
題詩黃鶴樓文星逼牛斗萬里李
膺舟

途中懷家兄

舟行近一月無日不思家骨肉關
情切江山轉望

賒坐臨天上路看遍岬頭花真是三秋遠何當日
又斜

遜夫詩湖廣人鍾湘乃兄

聞話遜夫名令人心更清行藏只聽命出處總忘
情月對鍾山酒鷗連富水盟無由一相遇默默顧
簪纓

南庄

石筍雲生處山梯花發時樓臺半隱見松竹共歲
蕤縣壁泉交瀉危橋藤倒垂莫辭歸去晚山意總

相宜

艸堂

地僻樹清遠塵踪不可通江山時下榻詞賦總成
筒酒對東溪月柳偏西面風幽棲吾所好歎惜杳
難同

毘陵遇雨

風雨毘陵晝行人泣路岐急流停去棹滑壤慢修
期肯負平生願還愁到日遲陰晴本天意奈此楚
山思

人雜

一舟百人載魚龍混相窺孰辨真與假惟有天地
知有生本同類屈體亦何辭且將平生心報答黃
金姿

太和山一天門

不識真仙境今登第一門何年雲路闢舉目
帝京存至德乾坤大蒼生父母尊行行漸天上默默
念玄恩

回龍觀

山勢蜿蜒聳宮門迤邐開清流千澗水紅覆五雲
臺士女行兼拜軒輿去復來人生不一到空負百
年才

玄壇廟

山半玄壇廟霧神翊上真風雲生碧牖龍虎爍金
輪萬願如人意千年與物春自今吾有望行處遇
仙人

棲真觀

步入棲真觀林深山夏幽野花穿鹿徑碧澗枕丹

陳琴溪文集 卷之二
丘不許紅塵到祗宜仙子游我來堪勝賞簪弁欲
先投

送胡世寧北總憲

落日秋江上西風送畫船望崇當世重眷自
重專百度歸貞則蒼生賴憲權識公經濟略極目
五雲邊

送李梧山致仕

克嗣

春半石頭路相公歸故鄉雲連蜀道碧花接楚江
香應有耆英約還開綠野堂功名已竹帛天地此

行藏

送醫者郝守道

湖廣蘄州人

春色滿江路送君天際行一篋三世授千里萬家
迎淮浦東風棹蘄陽細雨程應知仙藥采願寄永
餘生

送南少司徒顧新山考滿北上

江南潮驅暑仙舟北戒行優成三載績清重兩京
名戶口咨承慶旌除得李紘應知恩寵繼指日拜
元卿

送萬都憲回家 名鏜

春日都門曉送君江上頭片帆歸故國逸興滿芳
洲業有經書富情惟詩酒投重逢定何日別意兩
悠悠

周陰陽 漸 求白菊詩

白菊開奇品當秋剪素絲凝霜誇玉質照月美瓊
枝屈子餐英日陶公對酒時直從初度後千載共
幽期

又二月歸自郡城

雨過吳門晚閒吟對碧天船來岬似往風起柳如
眠百里歸心急三春樂事偏重拚明日酒醉倒碧
山巔

贈建平監生潘廷珍

二月琴川上相看雲樹邊幽棲吾有望念舊子能
專酌酒娛今夕橫經憶往年何時重握手臨水一
茫然

郎中陳克昌求榮壽詩

慈壽由天錫榮封不可期美君今竝得爲子志無

厚寵存兼沒深恩慶亦思武林添勝事草木倍
華滋

舟行有感

初月湖邊夜歸舟風浪生雙雙下水鳥杳杳覓山
城世路皆如此幽情久不驚漸看汀樹密終有到
來程

偶題

十日九風雨悶懷何所爲門開原有雀齋設久無
遺花木愁相對江山春不知明朝欲出卜灤滑杳

難期

挽鄞相國故人曹南塘

歎惜南塘隱悠然返帝鄉獨畱高義在空使故人
傷古岸猶維棹青山自夕陽風流應未泯明月碧
波長

送陳聲之歸海虞

十月都門道西風動客思遠來非玩勝歸去是閑
時白鳥隨雲沒青山與棹移年年此常賦稼穡莫
愆期

題屋舟

幽人有奇興卜築在清漣住處數椽穩行來一棹
便五湖開戶牖萬里載山川夜半江頭月依稀蓬
島仙

春日寫懷

千古中和節一番花信風出門無酒伴入室有詩
筒兵革何時定鱗鴻少路通斜陽空悵望雲外是
吳東

送汪司業之南都

北闕承恩重高秋白下行官封古樂正職貳大司
成圖史誇盈載江山愜素情士風應振作誰復茹
陽城

五言排律

送李伯珠分教海虞

凝望南河地遙連碧海東虞山寄清逸墨井潤沖
澗何當賢聖遠浪說古今同好尚雖時俗低昂自
士風喜君承帝命分職此黌宮天與鑪錘便人
歸造化中曾聞蜀禮教首啓漢文翁生長由蘇土

儀形定反躬所存期遠大抗志等豪雄莫厭庭窻
寂但培桃李豐朝霞看瑞彩春雨發梧桐行見材
如昔應教德益崇都門客欲去玉署意無窮江闊
送情厚帆開落照紅

七言律

和兄原習寄韻

燕冀望迷歸鴈影滄洲獨許老龍眠忍聞中土兵
荒耗目極南雲思惘然今古萬般渾一寄平安兩
字幸頻傳秋深堂北情無限何日雙湖彩鷁前

壽大司寇貞菴周公七十

健骨何曾問藥醫算年誰計古來稀手持秋典皆
生意身着春羅是賜衣願望已從臺憲著素心肯
逐世情非應知天錫名卿壽常使遐荒仰德輝

送程訓導

天台何處路漫漫此日知君去與寬風送蒲帆經
故里月華片水接仙壇好收瓌桷明時薦須把蘇
湖舊典看宦業勝遊俱不負能教人不羨儒官

送楊相國壻余承勛歸赴秋試

相門家倩出塵姿家學淵源自昔時白碧未登清
廟薦秋風先赴廣寒期天邊劔閣歸心壯路入成
都匹馬馳更擬明春須大捷往來不負記橋詩

送蘇州衛張指揮襲職南還

少年天上沾恩命歸去欣看服采新莫道一官如
唾手須知爾祖幾亡身轅門夜月談兵略獵罷春
風走騎塵東海年來時有警功名休讓白衣人

贈呂槐公兆襲指揮職

重沐 皇恩出紫宸黃金帶挽綠袍新素聞韜略

傳家久須把功名早歲申馬獵春山紆戰策劔橫
秋塞斷胡塵封侯自是英雄志萬里龍荒肯顧身
雨後同湛甘泉張玉溪張陽峰許龍石孫毅
齋五太史坐翰林公署分韻

晴日初炎氣不佳喜承甘雨掃黃埃數行經傳心
無暑滿徑琅玕蘊已開寶月半從清漢出仁風遐
向九天來千官搖動金門午應有餘涼及草萊

端午

年光堪歎去如流又見菖華酒面浮五彩有文兵

自解三年蓄艾病方收清心無復江中鑑盛世猶
傳渡口舟何處笙歌不知夜滿簑風雨是南疇

送陳渭川遷南侍讀學士

玉堂風景世間稀修竹疎槐近翠微喜見仙舟今
日去任教彩筆四時揮石渠志就知才識金馬官
高異等威最是吳山無幾遠白雲只在檻前飛

劉毅齋符卿求歸慶其尊人

綠陰滿路乳鴉飛喜見清卿遂錦衣寸艸不堪春
樹曉仙舟便向秣陵歸江山氣接雲來近御苑天

高客到稀千古猶聞歌四牡羨君今日兩無違

和盧師邵雨中作

萬里重陰雨足時毒龍猶自出淵池長驅雷鼓城
頭過連滴天瓢馬上嬉日月不知南壠秀烟雲只
引故鄉悲更堪官樹參差曉影落虛空益夢思

送承鍾之拜錢塘尹

殷勤杯酒送君行南去川原一望平山雉遙迎舟
楫轉春風只向武林生豈無利器才如昔莫是中
牟政可成惆悵錢塘江上水悠悠常繫故人情

陳邦瑞分教湖郡贈此致望

吳興學政仰前賢人在清齋事不偏豈謂高風終
莫及也知今日志須堅君當此地應常念我欲移
文帛百年相送都門無限意太湖秋水碧連天

挽董主政母

獨倚高臺掩袖羅爲君慈母欲滄茫遼陽不返烟
霞駕人世空悲薤露歌月落庭階烏鳥散天連海
岱白雲多惟餘淑德銘碑刻千載青山字不磨

壽大司寇屠元勳

七十年來初度日天扶元老倍精神
花開綠野東風早宴起睢陽白髮新
功業已成千載譽雲山謾駐四時春
德尊自有長生地不待崆峒訪至人

送李州判

郡符分得別宸京黃葉城南一騎輕
滙水清風今日路上林春雨舊時榮
數聲斷雁隨雲沒十里佳山入望明
後夜月寒何處酒玉堂親誼正關情

送彭海航歸吳

都門二月客懷鄉又遇歸人意轉長
一曲驪駒春

樹綠數聲黃鳥暮烟蒼天連海國孤帆遠花滿蘇
臺兩袖香爲報雲山知我志欲將簪弁改荷裳

題晚宜樓

擾擾塵途無了時江樓自與散人宜半空風月閒
邊起萬頃烟波醉後詩雨捲湘簾秋色早天連碧
檻水光奇優游到老無他事惟有青山是故知

陪祀

宣聖有作

匹馬晨馳到孔堂輕風時送碧芹香千年禮樂伸

常祀一代衣冠拜素王日月有明勞企望宮墻如
見失愚狂願分一點靈光照默啓天心佑萬方

聞鳩有感

從到秋來晴日少又聞鳩語近簷頭陰雲不久還
將散拙鳥何須喚未休寂寂園林愁夜雨霏霏烟
霧憶南州廟堂已有調和術好向青山去養羞

秋懷

獨倚虛窻思悄然西風葉落滿庭前光陰有限愁

虛度景物無端歎易遷黃卷肯辭清夜永白雲常
使寸心懸客居誰問重陽節一任黃花色自鮮

邃庵詩

菴牆遙望鬱嵯峩隱隱房櫳隔薜蘿萬疊白雲深
洞府滿堦瑤草鎖行窩志同彭澤時非昔道合南
陽業更過昨夜月光曾入戶就中真趣竟如何

送林教授

曉辭天闕望南征一葉蘭舟數冊經願把文章興

後進且從榱桷侈芳聲機山對酒詩應劇泮水無
塵夢亦清須信青氈非久坐春雷有日起長鯨

送孫太史貞父妻兄南還和費子和韻

把酒都門望去塵羨君能篤女蘿親情過山谷當
年句心戀平原舊日春東海無烽驚素檝清溪有
月映綸巾曉來增我瞻雲思慚愧吳江一片蓴

送陳希正遷南太醫院判

聖主欲全南國壽先生進位入畱京清旆影隨江

月去故山花接鳳臺明官尊禁府無分職身御天
風散八瓊何必園林千樹杏仙蹤只在五雲城

挽同年孟信之父

平生高行在鄉評五十餘年大隱名正擬封章來
澗谷忽傳仙跡化蓬瀛月連南浦含清恨雲鎖槐
山冷舊盟相對賢郎愁不盡共揮殘淚別都城

題翰林雙栢

仙堂南圃地高平雙栢亭亭一處生黛葉不隨冬
夏改龍姿相映壁奎明日移文砌雲連過風動瑤
庭鶴竝鳴草木亦無塵俗態能教人不愛蓬瀛

望西山

曾結家山數載緣而今匹馬未能還朝來偶自東
城過西去欣看疊嶂連丹鳳舞空朝旭日蒼龍望
闕吐祥烟何時得侶當年興一曲焦桐坐絕巔

雨後種竹

記得南山小隱時閒中物品細評推任他艷艷百

千種不侶蕭蕭三百枝今日喜看靈雨霽此君不
爲故人移土膏鬆煖栽培厚只聽街頭報籜兒

送彭都憲總督四川軍務

文武兼資蓋世英指揮河路頓塵清纔持憲節歸
天闕又奉綸音向錦城破竹迎風知易解稿苗逢
雨定回生蜀川捷報重來日兩地高勳萬古名

秋日登樓

纔上危樓便暢情更逢秋日晚風清有詩何必鳴

長笛撫景渾疑到玉京萬里高天連檻碧幾株涼
樹倚簷平分明不在人間住咲御天風駕海鯨
雨中喜故人至

陰雨最添遊子思東風忽報故人臨幾年惜別情
交切今日重逢喜不禁坐去任教空漏永醉來猶
把酒杯斟青燈如夢頻相顧舊事無言只在心

春雨

帝城烟柳起東風喜見玄冥布化工霖霖如酥千

里渥園林流澤萬花紅當春最是農耕遂大地從
教土脉融人在瀛洲心一洗自今應可望年豐

送唐景之遷南太常

鍾山何處隴雲平携手難禁柳外情天仗賢才經
禮閣人從霄漢度瑤京清江不斷通家想舊署期
更後日名行過故園春尚早客懷到此爲君驚

公署後葵花盛開與二三同志往觀有作

玉堂深處地偏奇不長榴花長蜀葵巨葉長枝饒

雨露淺紅深紫絢堦墀赤心自與凡葩別衛足懸
從古典知賡罷新詩一拭目滿身霞彩映朝曦

時泰王兄與予太學舊遊今以進士出宰永

豐贈此

楊柳堤頭雨乍晴獨持杯酒送君行雲開霧鷲千
峰碧路遶西江一棹輕花縣春來琴有調山村月
出犬無聲悠悠別意何時盡只聽他年報政成

送楊中舍紹芳歸雲南祭掃

鳳池仙客去何之萬里安寧匹馬遲芳艸不關南

浦意東風獨切故園思松楸榮竝人間少雨露春
深地下知從此台階情已慰明朝無復疏歸期

送孫汝宗歸山西代州省母

官亭把袂羨歸榮莫唱驪歌動別情瀛海流年驚
手線龍池春雨渥千旌雲連雁塞千峰白路遠恒
山一騎輕我亦有懷今未遂夕陽芳艸覺愁生

送張甬川湖廣提學

十年侍從擅才名一日遷官却遠行內署暫違春
漏永故山遙指暮雲橫清風臬府瞻仙仗秋水蒲
帆愜子情後夜相思何處是燕臺明月楚江城

送余世用省祭歸崑山

歸心南望白雲飛一片輕帆帶夕暉青鬢流年驚
客久東風去路覺塵稀山城泊棹潮通海水國看
花月滿扉莫把烏紗容易着幾人凝望欲沾衣

贈李弘學歸江陰

燕臺秋盡客懷鄉又送歸人思轉長渺渺關河飛
朔雁重重郭樹隱斜陽天連海國孤帆遠月滿君
山舊酒香東去故知如有問青袍今欲換荷裳

送莫揮使襲職還四明

笑捧 恩書出 紫宸黃金橫帶綠袍新曾聞韜
略傳先世應見勳庸邁等倫馬獵春山紆戰策劔
橫秋水斷江塵封侯自是男兒志莫負平生報國
身

徐子漸以學行鳴吳中久矣今年由儒官擢
南兵曹司廳贈此致期望云

曉奉涂書出鳳樓仙旌遙指 帝王州雲連吳會
千峰白路遶江東一棹秋國有干戈遺我慮道兼

文武在君修郊原極目無窮思相對何須動別愁

送盛醫官 曾歸吳

烏紗高戴出南宮歸馬何妨背朔風醫擅百年陰
德厚官傳四世 聖恩隆藥欄應有神仙種掌握
潛移造化功歸到故鄉誰不羨雲衢元與杏林通
姜夢賓約往東直門外朝天宮不果因促之

東望琳宮十里遙仙曹許我一相邀如何久負藍
橋約幾度空歸紫禁朝明月恰逢燈市好閒愁擬
對隴梅梢不妨尺牘頻先報取次尊前聽玉簫

到昌平

迢遙匹騎到昌平勝槩偏教望眼驚一派清流環
綠樹萬峰斜日映高城可憐易水人何在不見驪
山地着耕千古興亡渾似夢閒雲片片隴頭橫

望陵

六陵何處柏蒼蒼凝望令人動感傷四海至今歌
聖澤百年猶幸竊餘光門通天闕雲霞潤山接微
垣氣勢長行過西林見流水欲分一酌薦皇堂

茂陵

石磴崎嶇幾百尋茂陵秋夕氣蕭森四千里路萍
蹤到二十餘年聖澤深艸木總關今日感乾坤
尚負舊時心澄澄玉露風飄下盡是餘恩渥翠襟

泰陵

路轉西橋山更幽泰陵松柏倍關愁人間常抱烏
號泣天上難攀鳳駕遊間道荆榛秋萋萋明樓風
月夜悠悠祀成躍馬頻回首淚洒礫泉汗漫流

再宿昌平學舍

夜半昌平月滿空馬蹄依舊駐黌宮疎林轉覺秋

聲早虛榻懸知爽氣通夢繞故鄉千里外心關遠
道百年中間官常得閒邊趣倦臥何妨日漸紅
歸途聞虜兵在側悵然有作

清途誰報虜塵來老弱提携亦可哀不信犬羊能
疾足也知將帥有雄才關河南望多秋艸障塞西
邊半綠苔控馬夕陽山更好緩行歸去莫驚猜

雨

兩月昏昏雨不收一年春色負清遊萬山縹渺雲
烟曉小徑依稀柳樹秋獨對濁醪思往事不堪世
路動閒愁空懷葵藿遲雙鬢湖上淒涼一庾樓

園桂

自歎荒園無半畝也栽丹桂兩三枝豈知花意不
嫌小盛發天香及此時萬里秋風人獨坐滿齋清
露夜偏宜廣寒欲問真消息霧縠何年慰所思

重陽

桂花香罷菊花香佳節芳亭獨舉觴萬事自憐皆
畫餅百年又去一重陽西風滿樹吹人醉落日連
天見雁行莫道角巾隨意着乾坤何處可相忘

已卯穀雨

百穀萌芽當此日傳來古語也應真乾坤遮莫開
凶兆雨雪何當滯早春水國祇今皆是水貧民夏
待若何貧安居粒食渾難料明日西郊問野人

舟過鳳山

二月輕舟過鳳山對山咫尺不能攀豈因生事違
吾願祇以窮途戒暮還啼鳥已隨汀樹盡柴門相
閉夕陽間可憐荒歲征徭在總有閒人心不閒

偶題與竹影闌中范全真

竹影闌開隔玉宸閒中聊爲說脩因西南產藥應
非妄水火空錯莫任真若在山林能了事何須縫
掖去依人夜來參遍丹經意豈是仙師誤後塵

送豐存禮歸四明

執手溪橋一悵然相逢無幾又言旋幽棲愧我將
成老舊學如君豈待傳越國山川勞遠望秣陵燈
火憶常年重來應有花開否愁見今宵月滿天

遊武當發縣南門聞陸水村有事

試看春衣賦遠遊溪頭弱柳雨初收心關去路聞

征雁風急離亭渡曉舟世事難憑誰却走野雲無
意任淹留前程漸見吳門樹歎惜韓彭不早休

與曹本仁游虎丘

登臨不用歎蹉跎且向高亭對酒歌涼雨細催詩
思急白雲深護講堂多萬方日月開新象十載江
山想太和笑對葵心拚一醉雙鳧飛欲上天河

九江遇雨

九江烟雨阻修程獨夜空山旅夢驚不惜春光成
寂寞亦憐柳眼漸分明年來道路皆如此我欲林

泉過半生忽見蓬窗微月透曉風應聽踏歌聲

紫雲亭

仙宮初見紫雲亭樹色蒼蒼曉日晴逐有羽童來
擊磬自無塵事更畱情鶴鳴玄圃春風煖香滿丹
臺瑞靄生信道名山天下絕幾人能解一閒行

迎恩宮

迎恩宮闕名山裏金碧嵯峨拱上真杳杳鐘聲天
外曉青青州色洞中春雲深紫殿瞻仙節地接瑤
京絕世塵到此頓令諸念息欲將簪弁換綸巾

太子坡

步上高坡拜玉墀童真豈是世間資當年樂國虛
儲位萬古前星照四垂日到曉池龍氣煖雲生春
殿鳥聲滋道人相見休相問祇以恩深有所思

自然菴

莫道塵途少高士對君真是挾飛仙坐臨碧水忘
心迹門掩丹霞失歲年不把空鐙煎漏室信知通
邑產真符相逢無那空歸去白鶴一聲橫遠天

玉虛宮

路遶前山石磴斜玉虛宮殿鎖烟霞蒼松晝煖星
壇火野鹿春銜閨苑花迹比閑雲逢羽客身隨一
鶴到仙家何時得盡參同秘不向人間老歲華

紫霄宮答五龍宮道人

紫霄風煖鳥聲和渺渺萍蹤喜一過日出巘頭搖
帝闕雲橫林外接仙坡青山不許織塵到絳節應
臨此地多安得駐顏逾百歲獨將沙樹細摩娑

巘下足印

南巘宮西清勝絕苔逕迢迢萬木重巨石有霧承

帝武雙眸何幸覲仙蹤儘教千古人爭仰深望玄
旌我一逢日暮五雲岷上起定知龍馭在高峰

南巖宮

宮殿參差啟玉扉高堂獨上思依依牌分五百懸
清鏡亭列東西倚翠微藹藹暮雲迷遠樹遲遲春
日映霞衣半生不識南巖景吟賞何妨到落暉

榔梅亭

清清亭子白雲隈榔樹枝頭見玉梅造化有心敷
雨露江山無種可栽培已成天上騎龍願不作人

間萬木魁珠寶仙葩總難得獨循疎影望徘徊

畱別武當

萬里湖襄客到時山光相對似相期瑤京暫許遺
琴劍芳艸那堪又別離身在楚鄉歸夢杳雲連吳
會片帆遲遙知此後頻回首一夕丹房百歲思

與王安陸

片雲何意到沙頭遠道情親戀舊游愧我病多非
杜老憐君才大久涓州春江載酒三更話落日歸
心一葉舟別後相思何處是吳山楚水正悠悠

安陸贈養素道人張豫華

來往江湖一隱淪鉛沙養就道中身朝驅鶴鹿游
玄圃暮枕烟霞伴玉宸曾見黍珠懸地寶定逢仙
子授天真憑君且話長生秘莫道塵途少至人

嘉靖壬午北上奉別慈堂

堂上慈顏六十餘堂前游子未懸車親恩獨愧終
身暮君義難忘早歲書別去旨甘真有托歸來時
日定無虛修齡但願蒼天佑戀戀庭階淚滿裾

奉別先壠

松楸無日不興悲今日摩挲淚更滋浪說九泉何
處是空傳遼鶴杳難期林泉風韻徒增感雨雪泥
塗祇自知分付山靈好相護他年應見寵光垂

遣興

隔浦聽歌四牡詩頓教行客動愁思可憐君義真
難廢誰念慈顏又遠離鷗鳥不來春水闊烟霞有
約寸心遲日斜江上頻回首惟見寒鴉滿故枝

早發吳門

吳門春早動修程尤有船頭鼓吹聲萬疊雲山懷

舊景六年詩酒解閒行驅馳敢負前賢訓尊俎堪
憐借寇情去去漸聞鄉語別舟人遙指惠山城

過驛舍有感

一棹春波古驛邊此心期不愧蒼天江山對酒有
餘味鰕菜迎舟無幾錢到處清風真自託邇來官
路更堪憐吏人何用陳供具野性渾如辟穀仙

京口夜泊

江頭夜淨鼓逢逢月白雲寒萬里空瓜埠危檣春
樹合金山古殿碧烟籠心隨北雁懸清漢家在東

吳歎轉蓬莫怪孤舟易畱戀可堪明日又東風

舟發金山下同年俞貞明唐雲卿載酒來復

邀登飲

登臨已適半時閒載酒重來興不慳十載相看兩
同榜一尊共醉此名山行藏但遣情懷合去住何
愁道路艱日暮不知分手處江雲片片水潺潺

同俞唐二同年登郭璞墓

江心石葬傳景純醉唱遊仙呼棹頻凌波直上不
知險酌酒共飲無畱巡萬里船檣瓜步月一堤烟

柳甕城春飲餘南北分歸路尤有清風送遠人
喜遇家兄

南來北去思悠然祇以君親兩意堅水上填笮
聲欵咎沙邊鴻雁影聯翩一尊相對滄江月千里
遙逢碧海天喜極渾疑前夜夢細聽鐘鼓亦堪憐

奉別家兄

歡劇相逢奈別何可堪光景易蹉跎日斜帆影分
江路水杳鴿原起歎歌萬里寒霜飛劔閣一天涼
月照鑿坡北堂見面應憐問莫道今宵雨露多

淮陰吊古

一堤新柳映淮青常使行人感慨生漂母祠空春
蘚合楚王宮盡暮烟平鑿輿無復游雲夢河水依
然繞漢城萬古消沉總如此海鷗迎棹自縱橫

過邳州補贈潘州同

邳州二守擅才賢三月飛鳧下海天最是郊人征
戰後何當驛路往來偏名家定有官箴在去日遙
聽政譽傳尊酒西山遊樂處相思應入夢魂邊

邳州西山

下邳城西山寺高下邳水流何滔滔輕舟逆浪渡
水曲散步到山忘足勞日落圯橋春鳥亂烟迷郊
樹夜狐嗥野人競說尋龜事曾沒深波得巨鼈

桃源有感

臨流每自歎行藏冀北江南總是忙一念祗緣親
義重二毛半爲路途蒼雲開淮水孤帆遠樹入桃
源去興長回首虞山何處是不堪烟樹隱斜陽

見桃李有感

年光似水亦堪嗟又見南徐桃李花遙憶板輿山

院晚何當孤舫客程賒啼鶯滿路春將半尊酒臨
流日易斜安得小園栽兩樹攀花摘實寄天涯

過呂梁

風落梅花滿釣磯呂梁春浪夾花飛孤鴻影向天
邊沒估客船從雲際歸鑿鑿危崖交白石潺潺懸
水洒征衣詩情到此渾無盡坐看源泉對落暉

早發徐州

彭城舟楫望河開萬里黃河天上來白白溪魚頻
入饌青青客舍半侵苔楚人不用悲衣繡漢苑干

亦艸萊惟有沐猴知往事黃昏戲馬上高臺

或懷古

南原驛路漢城樓萬古蕭條枕碧流荒州不知行
殿處寒雲常接五陵秋英雄一去空餘跡詞客頻
來賦遠游向夕笛聲何處起烟波葉葉釣魚舟

清明有懷

吳舟二月渡江程春半纔經淺闡行但見桃花臨
水畔不知佳節是清明半生常泣蒼松酌此日空
聞野哭聲夏憶板輿悲悵處可能尊酒破愁城

南陽闡北有水黑色俗名硯溝云自闡里流
出

淺薄無緣泳聖涯此行真不負心期一溝墨浪流
餘潤萬古人文亦絕奇細酌不知雲際冷坐看直
到日斜時何年闡里瞻祠廟夏向源頭玩碧駉
經獲麟渡

古渡傳來是獲麟客途逢此倍傷神空令歲月無
虛轍終見河山盡入秦千古難回當夜夢一經尤
記舊時春只今 聖代崇文教願竊餘光協至仁

過分水

沙岬青青柳葉飛
此總安流諸溪遙接烟
波外一水平分南北秋
抵有盤渦翻浴鷺夏無
逆浪阻行舟東風一瀉
孤帆遠回首龍宮在上
頭

南旺遇雨

湖光渺渺與天齊
凝望令人易慘悽
况過清明將十日
夏逢風雨暗前路
南河古渡行人泣
汶水荒原落雁迷
向晚閉窓深坐久
兒童錯聽報晨雞

開河驛咏懷

開河古驛倚荒林
短棹重來繫柳陰
雨過泉源春浪闊
風生野戍落花深
沿堤病卒真堪歎
到處停舟自可禁
泗水西邊汶上月
分明照見路人心

晴

南湖春水泛晴光
湖上行人思渺茫
密樹遶村重紫翠
流鶯隔浦奏笙簧
萬家煙火資魚鳥
百里沮洳可稻粱
風景不殊鄉國異
獨持杯酒對斜陽

夜過安山

年年堂背慶春朝
今歲春光客路消
汶水落花翻

錦浪安山垂柳暗青條臨風夏覺詩情遠問俗堪
憐 聖化遙向夕不知維棹處滿河星月過谿橋
登安平勝槩樓

客途春暮思悠悠乘興來登海上樓千里河山通
北闕一帆風日渡南舟東平遠樹蒼烟合汶水飛
花錦浪浮莫更重嗟歸去日祇今不似舊時秋

行徑阿城望東昌

柳花撲棹亂飛揚風急天青去興長白浪捲時過
濟北暮雲橫處見東昌千重夜思歸新運六載春

愁憶故鄉歎惜野鶯啼滿樹不知行路自茫茫

過臨清憶舊遊僧寺問其處不可得

千古清淵闢魏封山光渺渺水溶溶欲尋舍衛談
如偈不許商塵識去踪短棹淹留誰是我荒原冷
落似聞鐘冠裳雖別人如舊老衲何心臥碧松

卽事

塞北江南日月新如何猶聽鼓鉦頻城狐久托前
途勢腐木空凋萬物春十載陰霾諸路泣一篙巨
浪百家貧應知天遣從今去聞道遐荒已有人

野岍花香

黃鶯啼罷殘紅盡何處幽花更吐芬日煖溪河風
蕩漾草深埜逕氣氤氳仙家清遠多奇樹玉殿虛
無靄碧雲欲待停舟問青帝晚霞橫處一枝分

過德州

德州城下水如藍春盡行人思不堪渺渺山光開
疊嶂青青柳色帶微嵐雙湖舊業驚荒落千里幽
懷望北南欲向陳公堤上過晚風斜日一停驂

東光

茅屋荒涼碧州緘一雙紫燕自呢喃東光風景還
依舊南國舟航又轉帆偃下交河春水闊不妨落
日遠山銜黃鶯啼處殘花落片片飛來點袖衫

泊衛河

河水悠悠自衛墟孤舟晚泊問河魚落花隨浪應
將盡啼鳥知春半似獻出處有時驚歲月行藏無
計憶郊居喜看直北長安近欲報高堂咫尺書

河西務卽事

西河關塞阻深江萬柳堤頭集巨艘歸雁北來知

歲月行人望此卽鄉邦清時赴闕花迎珮春曉推
蓬日近窻行過溪橋看野色林間啼鳥亦雙雙

抵張家灣

一灣新水碧於苔積雨初晴野色開店舍已荒春
樹綠河山依舊遠帆來應知此後無戈甲猶記當
年競貨財西望長安歡暢劇金烏飛上最高臺

通州道中

悠悠兩月任舟行此日纔登馬上程天際晴霞雙
鳳闕望中春樹五雲城自慙補袞非山甫賴有圖

麟邁子卿咫尺

龍顏何以報只將歌詠記昇平

送太宰羅整菴先生

盛代文章衆所推道心真與古人期玉堂官久畱
清望南省天高領百司千里江山重去日廿年風
浪過來時雨花臺下行吟處白石蒼松總故知

遷官後一首

不到金陵二十年每談風景思悠然講筵何意逢
南之野性從來亦自便百里山光存舊句半江帆
影接吳天蒙恩到此真慚愧肯負平生一念堅

和邊華泉朝天宮習儀韻

秣陵真境柏森森華祝遙同薄海心萬里闕廷
懸念切十年侍從感恩深幽懷似雨暮還旦世事
如流古又今惟有江山渾不改共將高咏結知音
贈茶陵彭隱君乃學錄元暘父

茶陵隱者八表餘平生無夢到天除門接洞庭烟
水渡傳家東魯聖賢書簾因看月夜頻捲席爲延
賓日不虛報國有心徵令子師模真不負華裾
送少司寇張惕菴赴北考滿

江上東風送曉程縉紳誰不爲公榮政成部院兼
三載位逼台衡重兩京總謂大名垂遠近極知秋
典賴均平此行 聖主嘉勳業崇秩還看進老成

遊茅山

三山崒嵒五雲中山上仙君道德崇明月流輝天
下照霧泉溉物世間通萬方香火來清殿千古乾
坤仰化工俗子遠來心更切願從今日挹真風

游牛首山遇白雲上人

却步行吟過上方白雲深處見山房風吹旛影殊

花落日照潭心幻相忘世外春光知我興塵中變
態看人忙夕陽滿樹渾忘去共說無爲味轉長

浴震澤

太湖渺渺水連天湖上來遊一葉蓮片日光搖金
鏡爛四山影落碧波懸解衣笑共雙鳧浴罷酒倦
陪沙鳥眠富貴不求心有約願棲林屋老餘年

寄豐白菴

嗟君久別向閩京南望無因問客程月滿三吳鴻
雁少雲連五嶺夢鳧驚階前藥艸栽應徧病裏詩

書看不成安得扁舟乘夜雪一尊聊共話餘生

已丑冬月舟中有感

蕩漾寒舟野渡東愛看曉色坐西風霜凝柳影千
層白水借霞光一片紅漠漠雲嵐開又合循循歲
運起還終應知不久春陽復大地回和萬物融

夜歸又疊前韻

夜船歸急望西東數點漁燈滿岬風自是閒情隨
景好不須到處見花紅雁鳴極浦霜初落漏報高
城鼓未終遙憶相如頻獻賦五更然蠟煖融融

至崑山又疊前韻

小小峰巒近海東來游幾度奈寒風每憐奇石如
人立浪說桃花過洞紅山上有科甲於今名獨盛
桃花洞川源到此勢將終信知造化鍾神秀脉接虞山一
氣融

贈王醫士春泉

一脉虞山春澗泉潺潺流水白雲邊應知源與上
池接信道人將沉澁傳香沁藥欄霧艸合露滋仙
掌玉砂消相期更挽天河水廣沛蒼生壽域全

嘉靖九年春日題東莊

花正好開逢我病花殘却是我游時百年遇景閒
能幾此日尋春半已遲坐對碧湖憐舊業醉斜烏
帽寫新詩忽看天際浮雲合倦倚藤牀有所思

送林茂真秩滿北上

春滿生寒柳色晴鳴珂此日向神京十年甲第馳
聲舊三載花封報政成路遠平江飛鳥遠雲連易
水片帆輕懸知奏最天顏喜簪筆臺端沐寵榮
看神會有感

車馬狂奔鉦鼓高神人逐路賽春朝日搖團扇翔
金雀雲捲霧旗亂舞翹吳俗久沿渾莫變蘇民日
侈香難消正當歡賞那禁雨猶免蘭膏半夜燒

又

夜半陰寒徹五夏來朝無雨又無晴故教霧馭乘
時發忽見天瓢浹路傾四野沉嵐迷晝錦滿城銀
溜震簷聲綉幃濕透歌娼袖淫褻應知神不平

孔林卽事

小棗花開炎日長何緣今到聖人鄉雲中貝闕千
王祀天上珠林萬仞墻信宿杳難希六載晨昏期
不負秋陽徘徊洙泗源頭晚掬飲林泉味轉香

登泰山

振衣揮汗袋宗游飛步層霄最上頭八極雖遙皆
可望萬山歷覽總難儔乾坤浩蕩開天府日月貞
明峙玉樓但願山霧敷顯造風雲胥慶治功收

日觀撫琴

岱宗頂上日觀東坐石彈琴日未紅涼氣沁來千
樹露清聲激動一天風俯臨萬境吾何有近對層

霄勢可通曲罷轉尋山後路白雲飛出半巘中
過楊村驛和唐雪泉壁間韻

廿載君恩一念堅觸炎馳馬汗濡韉空懷道暘
甘霖沛無那風沙白日旋淺闇不容來遠棹窮途
猶自誦遺篇楊村豈復棲真地漸見燕臺在馬前
送大宗伯介溪嚴公

玉堂揮汗舊儒英一代文章四海名政肅銓曹無
李徑官兼宗伯有裴卿東風烟柳龍灣棹春日江
山白下程南北豈知非久別中興天子待和羹

壬辰夏自太學歸公衙口占近體

涼風晚日雞鳴路高蓋輕輿柳樹陰半似瀛洲半
塵世又居官府又山林清寒已信平生分寬敬能
忘古聖箴魏闕吳山俱在望行藏一笑總無心

初夏園居

園花四月開將盡惟有榴花紅滿枝巧巧鶯聲藏
樹葉青青山色對茅茨引觴笑誦歸來賦臨水還
賡獨樂詩寂寞日長誰是伴蒼松白石總相知

七月一日陳太守汝昌招飲園中

虞山東麓太守家一頃家園萬樹花日日花香如
百和夜夜月影橫秋槎夢裏高車實傾廢海中仙
島自煙霞持杯笑入長生會共御天風閱歲華

春日沈愛葵園看玉蘭

玉蘭花似藕花香花邊酌酒香滿觴鷺羽疑分天
上種春光壓倒人間芳野性久拚三徑醉東風肯
負舞雩狂君家有圃我有興歡賞相期百歲長

和同年侯北湖中丞二首

青霄奉使下山亭不但蒙恩寵素屏春雨半年敷
槁壤秋霜萬里肅清萍甫侯降嶽功名赫廣德從
橋履道寧感舊情深頻夜望法星纏處卽台星

又

拂袖歸來臥艸亭白雲深處枕山屏喜看厚澤流
吳苑頻覺枯腸得楚萍天上文章弘展布寰中歲
月賴清寧賡歌自慶遭逢舊追憶當年聚五星

贈柳川沈侯入覲尊翁方任京兆得便省之

笑採巖芝贈遠行青鳧飛處是天京九丘聖典三
春澤兩歲花封四海名爲子不辜僧綽譜覲君

兼遂老萊情山人無限臨風意莫緩江南二月程
送郡守王清南遷憲副

采芝雲畔贈君侯一曲驪歌萬里秋秦地有緣當
歲德吳江無計挽仙舟清風兩郡推楊震春雨三
年感鄧攸別後去思何日盡佇看懸節撫南州

再遊句容諸山

幾年馳走過容山今日登臨始是閒西去五雲連
帝闕南來明月近仙關農桑有業民風朴江漢無
歌古俗還獨歎小航行不到雨餘空聽水聲潺

正德丁丑予以史官引告家居偶過西庄作
此蓋隱興已勃勃於中故詞意若是初豈無
志自知素性真直不宜於時而展轉委曲愧
不能學也

綠柳村中半畝庄野堂依竹見山光興來僂着登
臨屐花下頻開麩米觴十里桑麻春報社一湖烟
雨曉鳴榔柏心難適卮匱用此日還真萬慮忘

嘉靖丙申余致仕既逾二週矣移小庄湖上
乃憶出前句疊韻歌之還真返朴至樂惟自

知耳

肯指賢門作美莊不因雙鬢歎流光平田渺渺龐
公業樂歲悠悠谷客觴湖影碧搖山半樹漁歌唱
動水邊榔閒身到此渾無繫坐對眠鷗兩意忘

宿半塘寺

一夜萍蹤寄半塘坐看冷月對幽窻寸心惟有君
親在高興那知道路長火樹莫教閒漢殿春光原
不到僧房明朝又渡江頭棹詩思無端也自忙

春夜月明宿鎮城夢朱妹丈因述是詩錄似

東河一覽

水鄉回首重思親恍惚聞歌亦自真歲月漸違人
事改詩書何處杏花新鳥啼江路如悲怨月落河
橋見隱淪惆悵我來君在夢臨風惟有淚盈巾

又宿半塘書善繼上人血寫華嚴經後

春寒碧瓦曉霜滋況是僧房獨起時寂寞自堪真
有意功名一笑本難期雲連日影迷愁望風送鐘
聲入夢思多病自憐堂背遠此行惟許楚山知

登虎丘

虎丘山上望吳城點點星樓綠樹平春水渡頭歸
棹影暮烟林外市人聲興亡舊跡今何在富貴朝
花我不驚回首鄉園猶在目閑情祇爲北堂縈

發吳門

東風江上片帆開清興那知遠去來烟雨望中憐
故國鷓鴣飛處見荒臺儘教藥餌扶吾體不許春
光忤客懷到得楚天朝絳節定逢仙侶白雲隈

求仙

春日齋心謁洞天足生雲霧興悠然平生不解隨
流俗此日應能格上仙萬里清風塵市遠半輪明
月虎龍旋功名却步非無意自是畱侯見早偏

登山

清風送我到蓬萊步上層霄望眼開天地有心畱
勝境雲霞常日護高臺分明鶴駕山頭見彷彿鸞
笙海上來久願掛冠今得路肯緣名利伴凡胎

謝職

棄官學道信前緣豈爲無才見獨偏化育兩年人
盡樂是非萬世我曾權免厭青艸終逢獵雉入深

山且自便跡共閒雲心共月任教春夢自年年



